

1. ხელშეკრულების დამდები მხარეები

ერთის მხრივ, საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), წარმოდგენილი მისი თავმჯდომარის მოადგილის, გიორგი კაკაურიძის სახით და მეორეს მხრივ, შპს იუჯითი, წარმოდგენილი მისი გენერალური დირექტორის ერმილე სულაძის სახით (შემდგომში „მიმწოდებელი“), საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, (NAT190009016) ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე, თუ სხვა მითითებას არ შეიცავს წინამდებარე ხელშეკრულება;
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – ფიზიკური ან იურიდიული პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი და ობიექტი

- 3.1 შემსყიდველის საკუთრებაში არსებული DELL-EMC-ის ISILON - ჭარბი დისკური მასივისთვის ერთწლიანი მწარმოებლის მხარდაჭერისა და საგარანტიო სერვისის სახელმწიფო შესყიდვა (CPV72267000);
- 3.2 ხელშეკრულებით გათვალისწინებული შესყიდვის ობიექტის აღწერა მოცემულია ფასების ცხრილში, რომელიც ერთვის წინამდებარე ხელშეკრულებას და წარმოადგენს ამ ხელშეკრულების განუყოფელ ნაწილს.

4. ხელშეკრულების ღირებულება

- 4.1 ხელშეკრულების ჯამური ღირებულება შეადგენს 142`800 (ას ორმოცდაორი ათას რვაასი) ლარს.
- 4.2 ხელშეკრულების ჯამური ღირებულება მოიცავს ხელშეკრულებით გათვალისწინებულ შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

5. ხელშეკრულების შესრულების კონტროლი

- 5.1 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - სსიპ საერთო სასამართლოების დეპარტამენტის ინფორმატიზაციისა და კავშირგაბმულობის სამმართველოს უფროსი - კახა სარალიძე;
- 5.2. შემსყიდველი უფლებამოსილია, ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

6. შესყიდვის ობიექტის მიღება-ჩაბარების წესი

- 6.1. შესყიდვის ობიექტის საბოლოო მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ შესაბამისი მიღება-ჩაბარების აქტის გაფორმებით;
- 6.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია, სსიპ საერთო სასამართლოების დეპარტამენტის ინფორმატიზაციისა და კავშირგაბმულობის სამმართველოს უფროსი - კახა სარალიძე;

7. მიწოდების პირობები

- 7.1 მიმწოდებელმა უნდა განახორციელოს ISILON სისტემის არსებული კონფიგურაციის ოპტიმიზაცია, ფიზიკური ტოპოლოგიის მოწესრიგება, კონფიგურაციის განახლება.
- 7.2 მიწოდების ვადა: ტექნიკურ-პროგრამული მხარდაჭერის ვადა უნდა გააქტიურდეს არაუგვიანეს 2019 წლის 20 ივნისიდან;
- 7.3 მიწოდების ადგილი: ქ. თბილისი, ძმები ზუბალაშვილების 32; სსიპ საერთო სასამართლოების დეპარტამენტი.
- 7.4 საგარანტიო სერვისი და მხარდაჭერა მოიცავს: როგორც აპარატურულ სერვისს, ასევე პროგრამულ (software) მხარდაჭერას და განახლებების მიღებას;

8. ანგარიშსწორება

- 8.1. ანგარიშსწორება განხორციელდება ეროვნულ ვალუტაში - ლარში;
- 8.2. ანგარიშსწორების ფორმა - უნაღდო;
- 8.3 ანგარიშსწორება განხორციელდება მხარეთა შორის მიღება-ჩაბარების აქტის შედგენის საფუძველზე, არაუგვიანეს 10 სამუშაო დღისა;
- 8.4. დაფინანსების წყარო: 2019 წლის სახელმწიფო ბიუჯეტი.

9. ხელშეკრულებაში ცვლილება

- 9.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, არაუმეტეს ხელშეკრულების თავდაპირველი ჯამური ღირებულების 10%-ისა. ხელშეკრულების გადასინჯვა ხდება საქართველოს კანონმდებლობით დადგენილი წესით;
- 9.3. ხელშეკრულება შეიძლება ასევე შეწყდეს მხარეთა ინიციატივით, ურთიერთშეთანხმების საფუძველზე.

10. ფორს-მაჟორი

- 10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;
- 10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან გამოწვეული მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით;
- 10.3. ფორს-მაჟორული გარემოების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა ურთიერთობა

- 11.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- 11.2. შემსყიდველი ვალდებულია უზრუნველყოს მოწოდებული საქონლის ღირებულების ანაზღაურება ხელშეკრულებით გათვალისწინებულ ვადებში;
- 11.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში;
- 11.4. მიმწოდებელი ვალდებულია:
- ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით;
 - ბ) იმ შემთხვევაში, თუ რომელიმე პარამეტრი არ შეესაბამება ხელშეკრულებით გათვალისწინებულ „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი;

12. ხელშეკრულების პირობების შეუსრულებლობა

12.1. ფორს-მაჟორული გარემოებების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების ღირებულების 0.02 %-ის ოდენობით.

12.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება.

12.3. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0.02 %-ის ოდენობით.

12.4. სახელშეკრულებო ვალდებულებების სრულად ან ნაწილობრივ შეუსრულებლობის შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების შეუსრულებელი ნაწილის ჯამური ღირებულების 5%-ის ოდენობით. 12.5 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

13. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2020 წლის 30 აგვისტოს ჩათვლით.

14. დამატებითი პირობები

14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

14.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები:

შემსყიდველი:

საქართველოს იუსტიციის უმაღლეს საბჭოსთან
არსებული სსიპ საერთო სასამართლოების დეპარტამენტი
მის: ქ. თბილისი, ძმები ზუბალაშვილების ქ. №32
ს/კ 203860642

გიორგი კაკაურიძე
თავმჯდომარის მოადგილე

მიმწოდებელი:

შპს იუჯითი
მის: ქ.თბილისი, ჭავჭავაძის 17ა
ს/კ 204892964
სს საქართველოს ბანკი BAGAGE22
ა/ა: GE88BG0000000261644601

ერმილე სულაძე
გენერალური დირექტორი

ფასების ცხრილი

შესყიდვის ობიექტი	ღირებულება
1	2
შემსყიდველის საკუთრებაში არსებული ჭარბი დისკური მასივისთვის მწარმოებლის საგარანტიო მომსახურება (საგარანტიო მომსახურების მიღების უფლების გადაცემა); სერვისით დასაფარი ინვენტარი: • 6 ცალი შემნახველი ნოდი DELL-EMC ISILON NL400-108TB (შემდეგი სერიული ნომრებით: SN400-231313-0345, SN400-231311-0099, SN400- 231311-0098, SN400-231313-0346, SN400-231313-0347 და SN400-231313-0348) • 6 ცალი 2-პორტიანი DELL-ISILON NL400 10GE SFP+ Interface Card, თითოეული დაკომპლექტებულია 2 ცალი SM10G-SR SFP+ მოდულით (ჯამში: 12 ცალი SM10G-SR SFP+ მოდული) • 2 ცალი კომუტატორი: DELL-EMC 8-Port QDR Switch by Mellanox (შემდეგი სერიული ნომრებით: MT1245X03279 და MT1247X03710) მიმწოდებელმა ასევე ინდა განახორციელოს ISILON სისტემის არსებული კონფიგურაციის ოპტიმიზაცია, ფიზიკური ტოპოლოგიის მოწესრიგება, კონფიგურაციის განახლება. საგარანტიო სერვისი და მხარდაჭერა მოიცავს: როგორც აპარატურულ სერვისს, ასევე პროგრამულ (software) მხარდაჭერას და განახლებების მიღებას	142,800.00 ლარი

- განხორციელდება ISILON სისტემის არსებული კონფიგურაციის ოპტიმიზაცია, ფიზიკური ტოპოლოგიის მოწესრიგება, კონფიგურაციის განახლება;
- საგარანტიო სერვისი და მხარდაჭერა მოიცავს: როგორც აპარატურულ სერვისს, ასევე პროგრამულ (software) მხარდაჭერას და განახლებების მიღებას;
- ტექნიკურ-პროგრამული მხარდაჭერის ვადა გააქტიურდება არაუგვიანეს 2019 წლის 20 ივნისიდან.